

## Werk

**Titel:** Petri Petiti Philosophi & Doctoris Medici Parisiensis De Sibylla  
**Untertitel:** Libri tres  
**Autor:** Petitus, Petrus  
**Verlag:** Lankisch; Guntherus  
**Ort:** Lipsiae; Lipsiae  
**Jahr:** 1686  
**Kollektion:** VD17-Mainstream  
**Gattung:** Altertumskunde  
**Digitalisiert:** Niedersächsische Staats- und Universitätsbibliothek Göttingen  
**Werk Id:** PPN737373385  
**PURL:** <http://resolver.sub.uni-goettingen.de/purl?PPN737373385>  
**OPAC:** <http://opac.sub.uni-goettingen.de/DB=1/PPN?PPN=737373385>

**LOG Id:** LOG\_0013  
**LOG Titel:** Caput I. - Caput VI.  
**LOG Typ:** chapter

## Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

## Contact

Niedersächsische Staats- und Universitätsbibliothek Göttingen  
Georg-August-Universität Göttingen  
Platz der Göttinger Sieben 1  
37073 Göttingen  
Germany  
Email: [gdz@sub.uni-goettingen.de](mailto:gdz@sub.uni-goettingen.de)

PETRI PETITI  
 Philosophi, & Doctoris medici,  
 DE  
 SIBYLLA  
 LIBER SECUNDVS.

CAPVT I.

*De patria & nomine proprio Sibyllæ.  
 Vnde Erythræa dicta sit. Seruui  
 error notatus.*

**H**actenus quæ ad naturam Sibyllæ & magis insignes proprietates attingere visa sunt, satis pro instituto accurate exposuisse videor; restant externa quædam & historica, in hoc libro explananda: in quibus constituendis multum negotii habent eruditi, neque conuenire inter se possunt. In hoc genere prima occurrit patria. Nam qui plures Sibyllas distinguunt, varia iis oppida & regiones, vbi natæ sint, assignent necesse est. Vnde variæ illis appellations tribuuntur: Babylonie siue Chaldaea, Phrygia, Erythræa, Colophonie, Libyssa, atque alia ejusmodi a locis sum-

pta epitheta. Nos autem qui vnicam fuisse Sibyllam censemus, & probauimus, hanc patria fuisse Erythræam, atque ita appellandam ostendemus. Primum auctoritate Aristotelis loco saepius iam indicato e Variæ historiæ libello, qui inscriptus est *Ιαυμασίων ἀπὸ Κυάτων admiranda rum auditionum*. Quem locum denuo hic legentibus ob oculos ponere nihil vetat: ἦν (Σίβυλλας) πολυχερνιωτάτην γενομένην παιδίον διαμενίαν Φασι, θουν μὲν Εὔθεργίαν, τῶν οὐκονότων ἐπὶ τὴν Ιταλίαν κατοικήντων Κυμαῖαν &c. Quam, cum diu admodum vixerit, mansisse virginem ferunt, patria quidem Erythræam, a quibusdam autem Italiæ incolis Cumæam fuisse nuncupatam. Claram hoc Aristotelis testimonium est, & quod una fuerit Sibylla, & quod ortu Erythræa. Cui alterum accedit Hermiæ philosophi in secundo commentariorum ad Phædrum Platonis: quo significatur, & Sibyllam Platoni memoratam in eo dialogo natione Erythræam fuisse, & Eriphylen seu Herophilen vocatam. ἐπεὶ ἀντίγε ή Σίβυλλα ή Εὔθεργία ωδὴ ήσ νῦν λέγεται, Εερφύλη σκαλεῖτο εξ δέχησ. Idem & Senatus Romani auctoritate ostendi potest, quem Fenestella, non malus Romanarum rerum auctor, post Capitoli exustionem, in quo reconditi erant Sibyllæ libri, his cum æde incendio absumptis, ac instaurato ædificio, cum de Sibyllinis item reparandis deliberaretur, in eam sententiam venisse tradit, ut legati Erythras mittentur, homines periti &

diligentes, qui carmina Sibyllæ conquisita Romanam deportarent. Mandata est autem hæc prouincia P. Gabinio, M. Otacilio, & L. Valerio, qui in eam ciuitatem profecti descriptos ibi a priuatis versus circiter mille Romam reportasse dicuntur. Quo patrum consulto & legatione vehementer id quod de Sibyllæ patria dixi, confirmatur. Neque enim Romani Erythras potissimum ea causa triumuiros illos misissent, nisi iudicassent petenda inde esse Sibyllæ carmina, vbi natam fuisse perpetuo gentium consensu fama obtineret.

Neque vero obstat quod Cornelius Tacitus paulo diuersus abit, dum lib. 6. Annalium cap. 12. ita refert : *Simul commonefecit, (Tiberius) quia multa vana sub nomine celebri vulgabantur, sanguisse Augustum, quem intra diem ad pretorem urbanum deferrentur, neque habere priuatim liceret. Quod a maioribus quoque decretum erat, post exustum sociali (vel potius, ut recte Lipsius emendat, ciuili) bello Capitolium, quæsitis Samo, Ilio, Erythris, per Africam etiam ac Siciliam & Italicas colonias carminibus Sibylle; una se plures fuere; dato que sacerdotibus negotio, quantum humana ope potuissent, vera discernere.* Et ante illum Dionysius Halicarnassensis, in eandem ferme sententiam scriptum reliquerat, de hac Capitolii conflagratione & versuum Sibyllæ instauratione tradens : οἱ νῦν ὄντες ἐκ πολλῶν εἰσὶ σύμφοροι ταῦτα πῶν· οἱ μὲν ἐκ τῆς Κυττῆς Ιταλίᾳ, οἱ δὲ ἐξ Εγυπτῶν.

ἐν τῇ Ασίᾳ, οἱ δὲ ἐξ ἀλλων πόλεων. id est: Quæ bodie extant carmina sunt e pluribus locis illa collatitia. Nonnulla ab Italiae vrbibus: quedam Erythris ex Asia deportata: nonnulla autem aliunde. Hæc, inquam, minime obstant: quia non est absurdum, viiius eiusdemque vatis, quæ Erythris nata sit, carmina non in eo oppido tantum, sed etiam in aliis reperiri locis. Quod quomodo factum sit, inferius suo loco dicemus.

Sed neque audiendi, qui hanc Mermisso, vel Marpresso, Troadis oppido volunt ortum habuisse; dictam autem *Erythream* a rubicundo eius vrbis colore, veletiam soli; vt est apud Stephanum: Μερμησὸς πόλις Τερωνὴ, ἀφ' ᾧ ή Ερυθραῖα Σίβυλλα. ἢν γὰρ η πόλις αὐτὴ ἐρυθρὰ τῷ χρώματι. id est, *Mermessus* oppidum est in regione vbi Troia fuit, ex quo *Erythrea Sibylla*. Erat autem ea urbs colore rufa. Pausanias in Phocicis patria Marpessiam censet, Erythræam autem nominatam a colore soli: Ὡς εἶεν θεῷ δὲ πᾶσα η τοῦ Μάρπησον γῆ, ηγέτης δὲν ἦσιν αὐχμωδης. id est, supra modum rubra est humus tota circa Marpessum & vehementer sicca. Sed hæc friuola sunt & fide indigna. Cui enim unquam homini, vel rei, nomen a loci colore inditum fuit, cum eius coloris particeps non esset? Nam ne ipse quidem sinus Arabicus, qui vulgo mare rubrum dicitur, id nomen hac sola ratione adeptus, quod vadum subtus rubrum sit, sed quia falso creditum fuit ab ignaris aquam inde colorari:

vel, quia ibi Erythras regnauit, vt refert Pomponiu Mela lib. 3. de situ orbis cap. 8. a quo Græci ἐρυθρὸν θαλασσαν dixerunt. Quod proprius ad verum accedit. Cum enim Isaaci patriarchæ filius primogenitus Esau, qui Arabiam ei mari confinem tenuit, Edom vocaretur, (quod nomen Ebræis *rubrum* sonat) quod is toto corpore rufus ab ortu esset, ab eoque is sinus mare Edom diceretur, Græci vertentes, ἐρυθρὸν θαλασσαν, hoc est, mare rubrum vocarunt. In quo quidem nihil, quod abs nonum videri debeat. Sibyllam autem solo aut vrbe, quantumuis rubra, ortam degentemue, cum ipsa eo colore infecta non esset, rubram & Græce Erythræam propterea dici, dictu abs nonum & perridiculum est.

Hac igitur tam inficeta nominis huius Sibyllæ expositione explosa, supereft ut *Erythræa* dicta sit ab vrbe Erythris. Duæ autem vrbes feruntur eius nominis: vna in Græcia, ditionis Platæenium, inter Megaram & Thebas sita; altera in Asia, ciuitatibus Jonicis annumerata, prioris illius colonia, vt ex Strabone discimus. Hanc quæ in Jonia est, patriam Sibyllæ censemus, non priorem: qua autem coniectura, infra patebit. Remouendus interim Seruji Grammatici error, qui loco supra notato Sibyllam ab Erythræa insula oriundam dicit: *Illa* (inquit) *hausit arenam manibus, & longam vitam poposcit.* cui Apollo respondit: *id posse fieri, si Erythræam insulam in qua habitat relinqueret, & eam nunquam videret.* Cæterum

terum nullam in ea regione, in qua nata est Sibylla, eius nominis insulam esse constat. Sunt quidem insulæ quædam Erythris adiacentes; verum non eo nomine: neque Erythrææ, sed Ἰπποὶ olim vocabantur, Strabone teste lib. 14. καὶ μέσον δὲ πάσης τὸν αὐτόπλουν οἱ Ερυθραῖ, πόλις Ιωνικὴ λιμένα ἔχουσα, καὶ νησίδας ὡρευμένας Ἰππας καλλιμένας. id est, in medio fere cursu Erythræ sunt, ciuitas Jonica, habens portum, & iuxta insulas exiguae Ἰππας nominatas. Quod autem Solinus cap. 26. in capite Bæticæ, vbi extremus est noti orbis terminus, insulam describit septingentis passibus a continenti distantem, Erythræam nominatam, quod hanc Tyrii a rubro profecti mari habitarint, nihil ad Sibyllam Erythræam, de qua agimus, pertinere palam est.

## CAPVT II.

*Aliæ ambages de patria Sibyllæ. Veterum de hac re dissensio & pugna. Justini Martyris & Lactantii loca expenduntur.*

**S**Ed alias video ambages & difficultates. Quod enim Homero vatum summo accidisse dicitur, ut post eius mortem septem de eius natali solo inter se vrbes contendenter, id & Sibyllæ quoque memoriæ & honori datum esse, multis ostendi potest. Jam visum est de Marpesso vrbe, obti-

nuisse famam & proditum fuisse, ea in regione  
vbi ea ciuitas esset, ortus initium habuisse Sibyl-  
lam, & quomodo ibi genita Erythraea dicta sit.  
Cæterum & Sibyllæ ipsius carmen de suo genere  
pro ea opinione proferebant ciues Marpessi;  
quod a Pausania in Phocicis relatum adscribere  
operæ premium est.

Eἰμὶ δὲ ἐγώ γεγαῖα μέον θυητὸν τε Θεῶν τε  
Νύμφης δὲ ἀγανάτης, παρεῖσθαι δὲ αὖ κητοφά-

2010.

Μητρόφεν Ιδογενῆς, παρεῖσθαι δὲ μοι δέσιν ἐξυθεν  
Μάρπησσον, μητρός ιερὴν, ποταμὸς δὲ Αἰδω-  
νεύς.

quos versus sic latine vertit Sylburgius:

*Inter utrumque sequor medium, Diuasque ho-  
minesque,*

*Nympha immortali sata cetopago genitore.*

*Ida mee matri patria est, mibi patria rubra*

*Marpessus, matri quæ sacra, amnisque Aido-  
neus.*

Nec quæ de hac vrbe & regionis proprietate ad  
eius carminis explicationem sequuntur apud  
Pausaniam latine, ob loci prolixitatem, subiungo  
grauabor: *Extant (inquit) adhuc in Ida*  
*Pbrygia Marpessi urbis vestigia, quo loco inquilini*  
*restant circiter sexaginta. Tota est circa Mar-*  
*pessum terra subrufa, & mire torrida. Quocir-*  
*ca quod Aidoneus amnis modo se subter terram ab-*  
*dat, modo rursus emergat, ac eiusmodi sepius re-*  
*petitis vicibus postremo penitus occultetur, ad Ide-*

mon.

montis naturum arbitror referendum, quod nrum est ac pertenue solum, & multis cuniculis cauernosum. Abest ab Alexandria, que est in Troade, Marpeus stadia ferme ducenta & quadraginta. Et Herophilus quidem, qui Alexandriae degunt, Apollinis Sminthei aiunt edituam fuisse: Hec ubi vero somnium interpretata am, ita ut rei qui vulgo est notissimus exitum predixerit. De locis autem atque vrbibus, quas visit, haec addit: *Magnam vitae partem egit hec Sibylla Sami, sed Claron etiam, que Colophoniorum vrbis est, venit. Sed & Delon eadem & Delphos adiit: Delphis etiam ei de quodictum est saxo insidens vaticinia dabat.* Insignis hic locus magni scriptoris, & notatu dignus de Sibyllae peregrinationibus.

Erythræi contra, quos idem Pausanias acerri me omnium Græcorum de Herophiles ortu certasse testatur, Corycum montem, & sub eo antrum ostendebant, in quo natam Sibyllam contendebant. Parentes eius fuisse Theodorum pastorem indigenam, & Nympham cognomine Idæam: rationem cognominis non esse aliam, nisi quod frequentia arboribus loca & umbrosa Idæi iis temporibus homines vocarent. Versum autem, in quo Marpeus & Aidonei fluminis fit mentio, e supra allato Sibyllæ carmine expungebant. Descendere & Gergithii (qui scilicet vrbem Gergitha in eadem Troade habitabant) in idem certamen, Sibyllæque natales sibi non minori studio & contentione vindicarunt: vsque

adeo, ut tanquam victores eius pugnæ nummum  
Sibyllæ effigie cum sphinge signatum in vsu habe-  
rent; vt ex Phlegontis primo Olympiadum con-  
stat, sepulchrum etiam Sibyllæ apud se in templo  
Apollinis Gergithii ostendebant. Auctor Ste-  
phanus in voce Γέργις. Id esse verum quo minus  
dubitemus, Ezechiel Spanhemius, non vulgaris  
vir eruditionis & solertissimus veterum monu-  
mentorum indagator, pridem nobis eius nummi  
Gergithiorum effigiem cælo expressam exhibuit,  
in opere egregio quod edidit de præstantia &  
vsu numismatum, dissertatione tertia.

Verisimile est autem non inter Phrygas tan-  
tum & Erythræos hanc litem de ortu Sibyllæ ex-  
arsisse, sed & inter alias Græciæ ciuitates, immo &  
barbaras nationes: occasione iis data, quod ad  
eos omnes Sibylla transiisset, cum peregrinatio-  
nis eius vestigia diuersis ac longe remotis in vr-  
bibus extarent. Quippe & Italos Cumæam vo-  
casse Sibyllam a Cumis Campaniæ ciuitate, quæ  
Erythræa esset, locus ille Aristotelis probat,  
quem supra ex Admirandis eius auditionibus re-  
citabamus. Neque eius ambitionis siue æmula-  
tionis expertes fuisse videntur Chaldæi, qui  
quam Græci Erythræam, aut Gergithiam, aut al-  
terius ciuitatis Græciæ nomine vocarent, quam-  
que Itali Cumæam, ipsi Babyloniam, tanquam  
Babylone ortam cognominauerunt. Justinus  
quidem inter alia vitæ decora Christi martyrio il-  
lustris, oratione parænetica ad Græcos, de anti-

qui-

quiore Sibylla loquens hanc Babylone in Italiam & Campaniae oras processisse testatur his verbis: ἐσαὶ δὲ ὑμῖν ραδίως τὴν ὁράην θεοσέβειαν ἐπὶ μέ-  
γες ὥστὴ τῆς παλαιᾶς Σιβύλλης ἐκ Ινδῶν δια-  
τῆς Πειπονίας διὰ γεντιμῶν ὑμᾶς διδασκόσης,  
μανθάνειν ταῦτα ἀπερ ἐγένετο εἰναὶ δοκεῖ τῆς ταῦ-  
της Φητῶν διδασκαλίας. Ταῦτην δὲ ἐπὶ μὲν Βαβυ-  
λῶν ὡραῖον θάλατταν Φασι, Βηρεώσῃ τὸ την χαλδαι-  
κὴν ἴσοριαν γεράσαντον θυματέραν δοκεῖν εἰς δὲ  
ταύτην τῆς Καρπανίας ὅποιδα ὅπως διαβάσαν.  
&c. id est. Per facile autem vobis erit rectam reli-  
gionem ex parte aliqua, queque proxime ad pro-  
phetarum accedunt doctrinam, a veteri Sibylla vos  
per fatidica responsa ex potenti quodam afflatu do-  
cente accipere. Hanc Babylone ortam, Beroſi illius  
qui Chaldaicam historiam scripsit filiam, ad Cam-  
paniae oras nescio quomodo peruenisse ferunt. Ac  
quod Chaldaicam attinet originem, non solum  
in ea est sententia Justinus, sed etiam Lactantius;  
qui idem lib. I. cap. 6. expresse confirmat. Quod  
autem Beroſi Chaldaei, qui Chaldaicam historiam  
scripsit, filia ibidem dicitur, eaque ipsa cuius  
Plato in Phædro & aliis locis mentionem fecit,  
falsum ratio temporum conuincit. Cum enim  
omnium eruditorum consensu Berosus ille histo-  
riæ Chaldaicæ scriptor, qui pater Sibyllæ dicitur,  
eam historiam tertio Syriæ regi Antiocho  
inscripserit, adeoque multo tempore post mor-  
tuum Alexandrum; qui fieri potest, ut Plato eius  
Sibyllæ, quæ ex Beroſo illo nata sit, ullam fecerit

men-

mentionem? si quidem ex Laertio constat, Platonem primo octauæ & centesimæ Olympiadis anno, hoc est, toto decennio priusquam Alexander in Macedonia regnaret, e viuis excessisse. Quamobrem Montacutius, qui primus hunc in Justino insignem anachronismum deprehendit, in Analectis ecclesiasticarum exercitationum, exercitatione 4. tam turpiter lapsum Justinum non putat; sed hæc verba: τότε τὸ χαλδαϊκὸν ισορίαι γεγένηται, scoli alicuius, harum rerum & temporum parum gnari, glossema esse censet, qui alium Berosum non putaret fuisse, præter istum historiæ Chaldaicæ conditorem; cum alium multo antiquiorem isto extitisse constet. Euge vir perspicacissime, libenter recipio tuam hanc animaduersionem, eruditumque iudicium amplector.

### CAPVT III.

*Difficultas alia ex Pausaniae verbis notatur. Omnia difficultatum endatio, & litis propositæ de patria Sybilla, tum Sibyllarum numero, disceptatio & finis.*

**M**hi autem alias animum scrupulus percusse-  
rat ex Sibyllæ denominatione illa ab Ery-  
thra Asia ciuitate; quo pacto fieri possit, ut Ery-  
thraea

thræa Sibylla fuerit Berosi filia, historiæ Chaldaicæ scriptoris, qui Alexandro suppar fuit, quam Troiano bello superiorē fuisse Pausanias tradat? Quod ut pateat ipsamet eius verba adscribere placet: Επὶ Σάυτη (πέρχα) Δελφοὶ σάσαν Φασὶν ἀσαγ τὸς χεισμάτος ὄνομα Ηερφίλην. Σιβύλλαν δὲ ὅπικλησιν τὴν περέργη γενουμένην. Ταῦτην οὐδὲ μάλιστα ὄμοιώς δοσαν δέχαισαν ἐνεργον, ἢν θυγατέρα Ελληνες Διὸς ήττα λαμίας τῷ Ποσειδωνός Φασὶν εἶναι, ηττα χεισμάτος τε ἀντὶ τὴν γυναικῶν περάτην ἀσαγ, ηττα τὸν τοῦ Λιβύων Σιβύλλαν λέγοσιν ὄνομα Θῆνα. η δὲ Ηερφίλη νεωτέρα μὲρος ἀκέινης, Φαίνεται δὲ ὄμως περὶ τὸ πολέμιον γεγονόντα καὶ ἀντὶ τὸς Τεωικῶν. hoc est: *Saxum illic eminet, de quo Sibyllam Herophilen oracula canere solitam Delphi tradidere: quæ cognomine Sibylla nuncupata ab initio fuit, perinde atque aliam quamvis antiquam fuisse comperi. Filiam Græci Jouis & Lamiae dicitant: Lamiam ipsam Neptuno genitam, mulierum omnium primam vaticinatam, & ab Afris Sibyllam nominatam. Ista autem Herophile illa quidem posterior est: constat tamen & ipsam ante Troianum bellum viguisse. Hic duas, nisi fallor, agnoscit Sibyllas, utramque Herophilen dictam: unam quidem vetustiorem, nulli fatidicarum antiquitate cedentem; alteram eodem nomine sed posteriorem ætate, quæ tamen & ipsa rebus Troicis superior fuerit: quippe quam ibidem tradat prædixisse, Helenam quandam fatali fore Asiam, cuius scilicet causa Græci bellum illa-*

illatouri Troianis Iliumque euersuri essent. Qui igitur fieri potest, ut tam vetusta, Beroſo historico, qui Alexandri Magni ætate vixit, patre nata fuerit? Ita Pausanias etiam testimonio confirmatur censura Montacutii, de qua supra; eam scilicet Sibyllam, cuius meminit Plato, non fuisse eandem illi quæ fuit Beroſi historici filia.

Sed & Strabo lib. 14. duas videtur agnoscere Sibyllas Erythris natas: unam antiquiorem, alteram posteriorem; non tamen ambas ante bellum Troianum, ut apud Pausaniam. Quippe eam quæ posterior est, tempore Alexandri Magni vixisse tradit, præterea vetustioris nomen proprium non apponit. Mihi verisimile fit, harum saltem alteram, puta antiquiorem, illam ipsam esse Herophilen a Pausania & aliis nuncupatam. Verba Strabonis hæc sunt: ἐν Ερυθρῷ Σειραλλά τὸν ἔνθοις καὶ μανθηὶς γυνὴ τὸ δέχαιον τις. καὶ Αλέξανδρον δὲ ἄλλη ἦν τὸν ἀντὸν τρέσπον μανθηὶς καλλμένη Αἴγαναις ἐν τῆς ἀντῆς πόλεως. Ex Erythris est Sibylla quædam numine afflata & vates mulier ex antiquis: tempore autem Alexandri alia quædam extitit item vates Athenais nomine. Quæ ostendunt, quanta in his sit perplexitas auctorum, ut vaticinio opus videatur ad hanc dictorum confusionem expediendam. Ecce enim aliæ turbant ambages de Cumæa & Cumana Sibylla, quas plerique omnes Varrone & Lactantio auctoribus distinguunt. Hic enim in Sibyllarum catalogo Cumæam quarto loco ponit, Cumnam

nam septimo: illam a Cumis vrbe Æolidis, hanc  
a Cumis Italiæ oppido volunt nominatam. Qui-  
bus suffragari videtur Stephanus in voce *Kυμην*:  
quo nomine cum quinque ciuitates diuersis in lo-  
cis sitas tradat; eius quæ est in Æolide gentile  
nomen esse *Kυμαιας* docet, eius autem quæ est  
in Italia *Kυμενις*. Sit sane hæc distinctio genti-  
lis nominis in genere masculino: quid si Sibyl-  
lam ab hac ipsa vrbe nominatam effari velim, quæ  
tandem inflexio dabitur masculini istius *Kυ-  
μενις*? *Kυμης* ne, aut *Kυμισα*, aut *Kυμεια* dice-  
tur? At hoc esset nugari, cum nusquam hæc no-  
mina reperiantur. Restat igitur ut *Kυμαιας* iti-  
dem a *Kυμενις* dicamus: ita enim Aristoteles in  
Admirandis Erythræam Sibyllam, quod Cumis  
Campaniæ vrbe in Italia habitaret, *Kυμαιας* a  
quibusdam in Italia versantibus nuncupatam re-  
fert: neque aliter sane Maro Sibyllam quæ in ea  
ciuitate esset quam *Cumæam* vocat. Quin Anti-  
machus vir aut Græcus aut Græce bene doctus,  
neque minus latini sermonis peritus, in præfatio-  
ne ad Sibyllina oracula, quam Laetantius septi-  
mam ordine Sibyllam recenset & *Cumanam* vo-  
cat, ipse *Kυμαιας* vertit. Ita nullum inter Cu-  
manam & Cumæam discrimen ponit. Quam  
autem quarto loco memorat, eam non Cumæam  
neque Cumanam appellat, sed *Italam*: τετάρτη  
η Ιταλικη, η εν Κυμενιᾳ της Ιταλιας, id est,  
*Quarta est Italica, que in Cimmeria Italie man-  
fit.* Cimmeriam Italiæ vocat eam partem ubi  
est

est Auernus lacus ; quam opacam arboribus & spelunca horrendam Plutoni sacram creditum. Vbi Cimmerios a loci obscuritate ita dictos posuerunt, translato nomine ab iis qui Bosphorum Cimmerium incolunt. Strabō lib. 5. οὐ τότε τὸ χωρίον πλευτώνιόν οὐ τελάμβανον, οὐ τότε Κύμης ἐνθαλέγεσθαι. Ibi locus Auernus fuit, de quo Aristoteles in Admirandis : ὡς τὴν Κύμην τὴν ὡς Ιταλίαν λίμνην οὖτιν η ὁροπαγορεύουσαν αὔρην. Vide & Maronem in sexto Aeneidos. Interim ex his Justini locum supra allatum de Sibyllæ Babylone in Campaniam Italiam transiit emendare licet : horumque loco, εἰς δὲ τὰ μέρη τῆς Καμπανίας, lege ex Antimacho εἰς δὲ Κύμης τῆς Καμπανίας.

Hæc cum ita sint, quærerem libenter ab Antimacho si viueret, que alia Sibylla apud Cimmerios Italiam habitauerit, præter ipsam Cumæam cuius meminit Aristoteles in Admirandis, Herophilenque & Cumæam ab Italies dictam testatur; Virgilius item in sexto Aeneidos, sed quam *Deiphoben Glauci*, nescio quos auctores fecutus, appellat? Certe loci conditio eandem fuisse vatem confirmat, quando verisimile non est duas eodem in loco fuisse Sibyllas. Italica enim Sibylla Antimachi habitauit in Cimmeria Italiam, hoc est, ut modo ostendimus, iuxta Auernum, vbi vulgo creditum patere aditum ad inferos. Quod autem & Maronis Sibylla iisdem in locis responsa daret, verba hæc Aeneæ ad Sibyllam clare testantur;

Vnum

*Vnum oro (quando hic inferni ianua Regis  
Dicitur, & tenebrosa palus Acheronte refuso)  
Ire ad conspectum carigenitoris & om  
Contingat: doceas iter, & sacra ostia pandas.*

Quorsum igitur hæc Italicæ a Cumæa distinctio, non video; nullum quidem ex verbis Antimachi locum esse distinctioni Cumææ a Cumana parlam' est. Quo alii, qui has distinguunt, fundamento nitantur, quidue ad id probandum afferant, videamus.

Richardus quidem Montacutius citato loco Baronium reprehendit, quod *Cumæam* Sibyllam omnium nouissimam Solino auctore dixerit, quam *Cumanam* Solinus vocet: tum quod hæc ab illa & quomodo distinguatur docet: *Diversissima est* (inquit) *Sibylla Cumæa a Cumana*, quod *doctissimus Onupbrius obseruabat*. *Cumæa erat* que sub Troiani belli tempora *Cumis in Asia vaticinabatur*; (quoniam apud Onupbrium per incuriam Italici belli legitur; cum deberet legi Iliaci) at *Cumana fuis* quæ *Prisco Tarquinio regnante* (alii *Superbum volunt hunc fuisse*) *Romam venit*, eidemque suos libros prelio e flammis redimendos offerebat. Eademque virgula censoria Sixtum Senensem castigat, quod *Cumæam & Cumanam* Sibyllas confundat. Præterea aliter errasse ostendit, dum *Cumis ortam* referens *Cumanam* vocat. Quasi nomen id adiectiuum aliunde quam a *Cumis* deriuetur. Sed nimirum id vult, non recte Sixtum Sibyllam, quæ *Cumis Joniæ orta* esset,

Cumanam vocasse: quod Cumani ex oppido Cumarum in Campania, non autem ex illo quod est in Jonia dicantur: ut & Valla obseruat lib. 4. Elegant. cap. 85. Esto. Neque enim nobis disputatio est de nomine, sed de Sibylla: an duæ eo in loco Italiæ, quem describit Virgilius, Sibyllæ fuerint, vna Cumis Joniæ orta, altera posterior Cumis Campaniæ. Affirmat Montacutius sine villa hæsitatione. Quidni? qui Solinum & Laetantium auctores habeat. Enim uero plerosque omnes recentiorum video pedibus in eorum sententiam vadere. Ita fere vsu venit, ut auctoritas apud multos pro iudicio valeat, neque ultra current perpendere quod ab iis, quos plurimi faciunt, Scriptoribus proditum vident. Nos autem amplius considerantes, vnam fuisse Cumis Campaniæ Sibyllam, eamque eandem, quæ Cumis Joniæ orta sit, non dubitamus.

## CAPVT IV.

*Non recte iudicare qui Cumanam Sibyllam quandam in Campania Italiae post Cumæam vixisse censem.*

**O**stendimus autem, Maronis poetarum, ut passim Julius Scaliger vocat, doctissimi, testimonio in sexto Æneidos. Quo loco Æneas responsum petens preces & vota Apollini fundit. Cui post-

postquam templa, ludos, & ceremonias promisit, ad Sibyllam conuersus his verbis eam quoque sibi propitiam reddit:

*Te quoque magna manent regnis penetralia nos  
fris;*

*Hic ego namque tuas sortes, arcanaque fata  
Dicta meæ genti ponam, lectosque sacrabo  
Alma viros.*

Quæ sunt igitur arcana illa fata Sibyllæ, quæ genti suæ, hoc est, Romanis dicta, in adyto & sacrario repositum se promittit, quæ posteri exinde in rebus dubiis consulant, nisi eius, quam alloquitur, Sibyllæ carmina? Quod autem ibi Cumæam siue Erythræam Sibyllam, illam scilicet Cumis Joniæ natam, alloquatur, palam est; igitur huius Cumææ Sibyllæ, non alterius, nescio cuius, Cumææ Cumis Campaniæ ortæ oracula per Æneam, aut qui illi in Italia successerunt, ad Romanos fuisse transmissa; neque aliis vsos fuisse Romanos Sibyllinis libris doctissimo viro Maroni credendum est.

Quam autem aiunt Sibyllam multis post seculis ad Regem Tarquinium venisse cum tribus, vel ut Gellius tradit, nouem libris oraculorum, eam non fuisse Sibyllam putandum est. Certe Gellius, qui eam historiam ex antiquis Annalibus refert, eam quæ ad Tarquinium accessit *Sibyllam* non appellat, sed *anum hospitam, eamque incognitam*. Sic autem scribit: *In antiquis annalibus memoria super libris Sibyllinis hæc prodita est. Anus*

*hospita atque incognita ad Tarquinium Superbum Regem adiit, nouem libros ferens, quos esse dicebat diuina oracula: eos velle dixit venundare.* Cætera eo loco legantur: in quibus mulierem solum appellat, nunquam Sibyllam; hæc tantum in fine addit: *sed eam mulierem tunc a Tarquinio dgressam postea nusquam loci visam constituit.* Quæso, si hæc mulier Sibylla fuisset, Cumis Campaniæ genita & ibi habitans, num hospita aut anus incognita diceretur?

Sed neque Seruius Virgilii interpres Sibyllam vocat, sed mulierem simpliciter ut Gellius, de his libris differens ad hæc Poetæ verba: *tuas sortes arcanaque fata.* Ita igitur Seruius: *Tuas sortes Sibyllina responsa: que, ut supra diximus, incertum est cuius Sibylle fuerint: quanquam Cumane Virgilius dicit, Varro Erythraæ.* Sed constat, regnante Tarquinio quandam mulierem nomine *Amaltheam obtulisse ei nouem libros, in quibus erant fata & remedia Romana.*

Cui porro naris paulo emunctioris non fabulosum videatur quod sequitur de librorum pretio & combustione, cum rex quanti eos anus faceret emere nollet? *Foculum* (inquit Gellius) *coram eo (Rege) apposuit, & tres libros ex nouem deuissit.* Si apposuit, ergo attulerat secum, & quidem bene accensum & lucentem: aliter non potuisset tam subito ob oculos regis eorum librorum tres consumere, & breui post temporis interuallo tres alias: nec ctedendum, regem patienter tamdiu

hanc  
missi  
ups  
proin  
reiu  
bus in  
tertio  
acepi  
moto,  
dopla  
Sec  
porun  
notare  
mū Sup  
tumea  
zū vbi  
intelli  
loner  
omne  
tum &  
Corne  
post,  
kipri  
eius;  
Tarqu  
prio,  
num I  
quini  
Mon  
legu

hanc scenam & anus importunitatem ferre potuisse, præsertim superbum. Quamobrem Seruius dicto loco aliter narrat: hanc scilicet anum pro iis libris poposciisse tercentum philippeos, qui aurei tunc pretiosi erant: quæ contempta alio die tribus incensis reuersa est, & tantum popofit: item tertio aliis tribus incensis cum tribus reuersa est: & accepit quantum postulauerat, bac ipsa re rege comoto, quod pretium non mutabat. Quo sane modo plausibilior fit narratio.

Sed iocularē eo loco Seruii errorem in temporum ratione nemiri animaduersum obiter annotare libet, dum Philippeos nummos Tarquinii Superbi ætate pretiosos fuisse dicit. Qui quantum ea opinione aberret, vel ex Gellii lib. 17. cap. 21. vbi chronologiæ specimen quoddam exhibet, intelligi potest. Ibi namque Homerum & Solonem, quem supparem Homero fuisse inter omnes conuenit, ante Romam conditam centum & sexaginta annos vixisse, ex Chronicorum Cornelii Nepotis libro primo refert. Et paulo post, eundem Solonem leges Atheniensium scripsisse, Tarquinio Prisco regnante, anno regni eius 33. a quo non magno temporis intervallo Tarquinius Superbus ultimus regum abfuit. Ex quo, vt dixi, patet, multis seculis ante Philipum Macedonem Alexandri patrem vixisse Tarquinium Superbum; vtpote qui Cyri maioris, Monarchiæ Persarum fundatoris, & Solonis σύγχρονος fuerit. Quod cum ita sit, non video

quomodo Philippei nummi eo tempore pretiosi esse potuerint, quo tempore nondum Philippus rex, a quo iis nomen, natus erat. Sed hæc obiter: ad propositum reuertor.

Hinc quoque confirmor, non fuisse eam anum Sibyllam, quod verisimile mihi non fit, feminam vatem & numine instinctam animum usque adeo demittere voluisse, ut libros suos ad Regem velut ad nundinas vendendi causa afferret, & pretio exponeret. Longe hoc profecto remotum a dignitate & moribus. In quo etiam illud absurdum occurrit consideranti. Aut enim omnes eos vaticiniorum libros ut Romanis diuinitus conscriptos penes eos esse & conseruari oportebat: vel horum tres tantum. Si integros novem, cur sex comburit? si non omnes, sed tres tantum, cur omnes venales proponit? Nec vero nobis primis suspecta hæc Cumana Sibylla fabulositatis, sed & aliis doctis viris: in his & Joanni Tristano, solertiissimo antiquitatum ex veterum numismatum monumentis indagatori, qui de hac re eleganter & docte in Commentariis suis historicis disputat.

Vnus modo restat scrupulus ex Plinio; qui Sibyllam ad Tarquinium Superbum cum libris adiisse confirmat libro & capite 13. *Inter omnes vero (inquit) conuenit, Sibyllam ad Tarquinium Superbum tres libros attulisse. Ex quibus duo cremati ab ipsa, tertius cum Capitolio Syllanis temporibus.* Sed quod de his non multum curauerit

Pli-

Plinius quam vera essent, verba eius ipsa ostendunt. Primum, inter omnes ait conuenire, tres libros a Sibylla allatos Tarquinio. Atqui aliter A. Gellius, ut visum est, ex antiquis Annalibus refert: nempe nouem libros ab anu quadam incognita ei regi oblatos. Cum igitur, contra quam Plinius censet, de eorum librorum, qui ad Tarquinium allati sunt, numero non constet; cur de conditione & nomine eius mulieris, quæ attulit, magis ex hoc Plinii loco constare debeat, non video. Hoc modo vanescit illa persuasio quorundam de septima illa Sibylla Cumana Tarquinii regis suppares. Nec tamen inficiamur quod proditum historiis est Populi Romani, quod Plinius suæ ætatis doctissimus, quod eruditissimus Noctium Atticarum lucubrator scriptis propagarunt: fatemur anum hospitam & incognitam, ut ait Gellius, ad Tarquinium Superbum adiisse, & libros ei fatales attulisse: non tamen quæ esset Sibylla, sed quæ aliunde nacta eos libros, nescio quomodo, fortasse ab ipsa Erythræa Sibylla, sub mortem illi traditos & commendatos, mandato ipsius ad regem detulit, & pretio addixit. Quæ cum pecunia accepta, quantam voluit, e medio excessisset, inque patriam & regiones remotas remeasset; nihil mirum, si suspicio de ipsa facta est vulgo quod Sibylla eslet, argumento librorum quos ad Regem attulisset: ceu necesse eslet eorum librorum esse auctorem, quos in potestate haberet ad venundandum aut com-

burendum. Ita plane sentiet de hac historia qui incertis auctoritatibus ac vulgi rumore posthabito iudicium adhibere volet; ut quod magis verisimile est, & potiorum auctorum dictis consenteantur, sequatur.

## CAPUT V.

*Scrupuli de aliis Sibyllis tolluntur,  
atque vnam fuisse Erythræam  
Sibyllam ostendi-  
tur.*

**S**UBLATA e medio Cumana Sibylla, reliqui proniore iam negotio circa alias Sibyllas scrupuli tolluntur: eademque opera ostenditur, vnde illa multarum Sibyllarum opinio incesserit. Enim uero non video quid nunc obstat, quin vnam fuisse Sibyllam illam Græcis cognitam & celebratam Herophilen, cognomento Erythræam, ponamus. Siue hæc vere, vt quibusdam visum, Erythris orta fuit, siue Marpesso, siue Gergithe, siue e quauis alia Græciæ ciuitate, qua de re olim certatum inter Græcos fuisse supra ex Pausaniam ostendimus; siue etiam, quod Justinus Martyr credit, Babylone patre Chaldæo Berofo, non illo qui Chaldaicam scripsit historiam, sed alio antiquiore: ab eo autem oppido nomen traxisse, in quo diutius mansisset, ideoque Erythræam fuisse nuncupatam. Aut cuiquam in credibile videatur,

mulie-

mulierem Babylone natam transiisse in Græciam, Erythris, Cyme, & aliis in urbibus Joniae & Græciae diuersatam, in iis famam sui & diuinationis monumenta reliquisse, ex quo occasio posteris data ambigendi de patria eius & certamen extortum?

Immo vero non desunt, qui hanc Japheti, qui unus fuit e Noe filiis, vxorem fuisse existiment, quæ Græcis Erythræa dicta est: ita quidem ut sua oracula seculo forte uno vel altero post turrim Babyloniam linguarumque diuisionem græce ediderit; extiterintque illa oracula & nota hominibus aliquot seculis ante datam Mosi legem, licet nondum tunc literis mandata esset. Meminit huius opinionis Jo. Henricus Vrsinus Exercitationum familiarium de Zoroastre Bactriano, Hermete Trismegisto, Sanchoniathone Phænicio & eorum scriptis, *ῳδελειπ.* sect. 4. & singularem opinionem vocat. Cui tamen, si qua Sibyllinis Græce ab Opsopæo editis fides habenda, ipsam lib. I. suffragatur Sibylla, nurum se professa Noe Patriarchi; item in calce libri tertii, vbi de genere suo his versibus testatur:

*Ταῦτα οὐς Ασυρίης Βαβυλώνια τείχεα με-*

*νεῖ*

*οἰσερμανῆς ὠρελιπόσαι ἐς Ελλάδα πεμπό-*

*μένον πῦρ*

*πᾶσι ὠρφητούσαι δεῖς μηνύματα θυητοῖς,*

*ὅς τε ὠρφητούσαι με Βεργοῖς ανίγματα*

*δεῖσα.*

Καὶ καλέσοι Βερτοί με καθ' Ελλάδα πατεῖσθαι  
ἄλλης,

εἰς Ερυθρῆς γεγαῖναι &c.

Vbi expresse Babyloniam se dicit, Babylone autem missam diuinatus in Græciam vaticinandi causa: licet Græci apud se natam Erythris mentionantur. Tum paucis interiectis se Noachi numerum non minus diserte profitetur ultimis versibus:

ὅτε γδὲ πατεκλύζετο κόσμος  
ὑδατι, καὶ οὐδὲ μόνον θάλασσαν ἐλεί-  
Φθι.  
ὑλοτόμω ἐνὶ ὅικω θητηπλάσας ύδατεσι,  
σὺν θησὶ, πηνοῖσι θ', οὐδὲ μητή πάλι κόσ-  
μον.

τοῦ μὴν ἐγὼ νύμφη, καὶ αὐτὸς αἴματος αὐτὸς  
ἐτύχθη.

Quæ sic vertit latine (vt potuit) Sebastianus Castilio:

Hæc sunt, quæ moneo Assyria Babylone profecta,  
In Græcos ignis missus, fanatica, cunctis  
Exponens diuina Dei præsignificata,  
Mortali ut generi diuina ænigmata pandam.  
Et tamen ex alia patria me Græcia dicie  
Ex Erythra natam &c.

Siquidem cum dilueretur  
Mundus aquis, cum vir solus probus exuperauit  
Quidam, quem per aquas vexit domus eruta  
filuis,  
Et pecudes & aues, rursum impleretur ut orbis,  
Eius ego nurus. Vt

Vt potuit, inquam, non male quod sensum attinet; secus si numeros spectamus, quorum nullam fere habuit rationem: sunt enim incompti & insuaves versus. vt omittam mendum in quantitate, quod vitare non potuit, pronominis *ego*, ultima producta, quæ semper breuis apud bonos auctores. Sed hæc obiter.

Ex his quidem appareat, Babyloniam fuisse eam vatem, quam Græci & Sibyllam nominauerunt, & Erythris natam prodiderunt; nomine ab urbe indito, vt fit, *Erythream* vocantes. Quod etiam amplexus est Firmianus, quo loco notat, non potuisse discerni, versus Sibyllini cuius Sibyllæ essent, ob confusionem, præterquam unius Erythrææ, quæ & nomen suum verum carmini inseruit, & Erythram se nominat, ubi prælocuta est, cum esset orta Babylonie. Solum hoc minus consonum versibus allatis videatur, quod in iis, quos habuit Lactantius, versibus Sibylla nomen suum verum carmini inscripsit, & se Erythræam esse confitetur: in versibus laudatis negat præcise se esse Erythræam, sed putari ab hominibus qui in Græcia versantur:

ηγὶ παλέστι Σερποί μεναζ' Ελλάδα πατέσθαι  
ἄλλης

ἐξ Ερυθρῆς γεγαῖαν, ἀναδέα.

Hæc profecto non quadrant, neque verisimile videtur, hanc, quæ se tam aperte Babyloniam fateatur, cum nomen suum carmini inscriberet, se se Erythræam dixisse. Dici tamen potest, in hoc secu-

fecutam esse vulgi opinionem: ut quando a Græcis passim *Erythræa* vocaretur, & hoc cognomen to innotesceret, noluisse istud mutare, sed carmini inscripsisse, ne alia ab ea, quam Græci nossent, putaretur. Esto. At quod verbis modo allatis se quoque *avardæ*, hoc est, *impudentem*, *prostratæ* *pudicitia mulierem*, ab hominibus dici conqueritur, quis hoc Sibyllæ Græcorum vati conuenire dicat, qui eorum meminerit, quæ supra de Sibylle & aliorum vatum apud Græcos, si non vera, saltem credita & celebrata castitate disputauimus? Pugnant certe hæc, neque conciliari ullo modo possunt, vt non dubitem vel hoc solo argumento quæ in manibus habemus Sibyllina explodere vt supposititia. Sed de his infra accuratius considerabimus.

## CAPVT VI.

*Aliarum Sibyllarum quæ ab aliis pas-  
sim auctoribus celebrantur, ad unam  
Erythræam reductio. Iterum de Si-  
byllæ longo aeuo, tum peregrina-  
tionibus.*

**H**Æc qui depositis preiudiciis seria & attenta mente perpendet, magis suspectam hanc Sibyllarum a Varrone & aliis proditarum multitudinem habeat, necesse est; tum aliquam rationem

nem requirat, quæ se ab hac perplexitate & male cohærentibus quorumdam dictis expediat. Hæc autem vna mihi optima videtur, vt dicamus, vnam fuisse Sibyllam nomine *Herophilen* primum appellatam, postea *Sibyllam*, Erythris Joniæ vel Cyme proxima ciuitate ortam, quam inter alias celebriorem fuisse ac nobiliorem Lactantius ipse fateatur, cum plures fuisse Sibyllas Varronis auctoritate impulsus putaret.

Ego istam, quæ maxime illustris fuit, vnam fuisse contendō, *Sibyllæ* nomine apud Græcos celebratam; ex hac autem vna & singulari Sibylla plures vulgi errore inductas, duabus de causis, vt equidem arbitror: quia longæua admodum fuit, & vitam vltra solitos ætatis humanæ limites produxit; tum etiam quia in tam longo ætatis decursu fere semper peregrinata est: neque tantum procul dissitas orbis terrarum plagas adiit, sed etiam in iis satis diu versata est; quod iam enucleatius differendum est.

Ac de longo Sibyllæ æuo satis superque supra in eius indolis & proprietatum consideratione dictum est: quod autem hinc aliquis minus cautus de Sibyllarum multitudine error obiici potuerit, non me iudice tantum, sed etiam Sebastiano Castalione viro docto in annotationibus ad suam versionem latinam Sibyllinorum oraculorum, quiuis intelligat, vbi ita scriptum est: *Præterea in fine libri septimi docet, se iam ardoribus & æuo confectam esse, sed tamen a tempore consumptum*

sumptumiri, neque semper vixitam. Ex quibus locis paret, eam diutius vixisse quam ferret communis ætas hominum. Quæ res locum fecit fabula, quæ ab Ouidio in 14. Metamorph. posita est, ubi Sibylla ostendit sibi a Phœbo prorogatam esse vitam, seque iam septingentos annos vixisse, & adhuc trecentos esse duraturam. Atque eadem eius vita longitudo in causa fuit (sicut ego existimo) ut quæ eadem esset plures esse putarentur: quod ea diuersis temporibus & locis apparens plurium speciem praebet. Tum paucis interiectis ad obiectionem, quæ cuius ex tam inusitata & incredibili prorogatione vita in mentem venit, sic respondet: Neque est quod mihi quisquam obiciat, Sibyllam tamdiu viuere non potuisse, quod hominis vitam Deus Noe dixisset fore centum viginti annorum &c. Hoc, inquam, si quis obiciet, respondebo, Deum de communi & vulgari vita curriculo dicere. Nam & Abramus, & alii multi diutius vixerunt, & Sibylla vixisse potest, cum Deus nulli sit obnoxius legi, quo minus faciat quod ipsi visum sit. Quæ non eo consilio affert, ut credamus Sibyllam mille annos vixisse, (tametsi Magi Artephium suum ea arte ad annos 1025 vitam sibi prorogasse autemant) quantum ætatis spatium fabulis annumerat; sed quod non putet absurdum, Sibyllam multis seculis transgressam limites humani æui notos.

Quod ad alteram causam attinet, nempe errabundam vitam; omnes fere in eo consentiunt,

quod

quod vniuersas prope mundi plagas obierit Sibylla, vt pote communis gentium vates. Aristoteles quidem in Admirandis, vt vidimus, & eum secutu Maro in sexto Aeneidos, Erythris vel Cumis Aeoliæ in Italiam venisse, & Cumas Campaniæ habitasse dicit. Justinus autem Martyr hanc ipsam Babylone in easdem oras transgressam ait. Sed & Pausanias per vrbes & insulas Graeciæ diuagatam, variarumque terrarum hospitam fuisse refert: αὐτη ἡ Σιβύλλα ( de Erythræa loquitur) ὠντος μὲν τὸ πολὺ τὸ Εἴσιν Σάμῳ, αὐθικέτο δὲ καὶ εἰς Κλάρεγν τὴν Κολοφωνίων, καὶ εἰς Δῆλόν τε, καὶ εἰς Δέλφους. ὅποτε δὲ αὐθικέτο, οὐδὲ τάντης ιστορίης πέπραστο μέρει τοι γεων αὐτὴν ἐπέλαβεν ἐν τῇ Τεγωνίᾳ. id est, Hæc vero Sibylla magnam vite partem egit in Samo: sed & Claron quæ Colophoniorum urbs est, venit: venit eadem Delon & Delpbos. Ac Delphis quidem de quo diximus saxo vaticinia edebat sua. Ceterum in Troade errorum & vita fatalem terminum inuenit.

Nec vero mirum id videri debet in Sibylla gentium omnium vate, quod commune esse constat aliis vatibus & ariolis, vt varias perambulent vrbes & mundi plagas, neque villo in loco certo diu consistere possint. Quo etiam videatur spectare Christi effatum in Euangelio: Non habet propheta honorem in patria sua. Quibus enim non est fides neque auctoritas in patria, quid aliud restat nisi vt ad alias gentes transeant & regri-

regrinentur. Sed & Artemidorus commune va-  
tibus & ariolis, vt ament vagari & obambulare ac  
circuire vrbes, notat libro 3, cap. 21. vbi de iis qui  
somniant se se vates esse effectos: Φέρεται καὶ δισ-  
θυμίας πολλάκις καὶ πνήσεις τῶν ιδόντων τὸν ὄντα  
εγν. διὰ τὸ τὰς μάντεις αθενοσεῖν. id est, Porten-  
dit sepe etiam peregrinationes & motus hoc som-  
nium ei, qui vidit: propterea quod vates erubun-  
dant vitam agant. Idem de Abaride Hyperbo-  
reo vate testatur Apollonius in Admirandis hi-  
storiis sectione 4. Αβαρίς ἐξ ῥωμαϊστορέων ήν  
μὲν καὶ ἀυτὸς τῶν θεολόγων. ἔγερφε δὲ καὶ  
χειρομάς ταῖς χώραις αθερέχόμενος, ὡς εἰσ  
μεχεῖ τῷ νῦν ωδαίχοντες. id est, Abaris & ipse  
e Theologis erat Hyperboreis. Scripsit autem &  
oracula regionibus, quas oberrans lustrabat: que  
ad hoc usque tempus extant. Haud secus & de  
Hilarione monacho, non quidem professione  
vate sed gratia & dignatione, qui semper numen  
in pectore habebat, rumor illis temporibus, Hiero-  
nymo auctore in eius vita, percrebuerat, diu  
eum in eodem loco manere non posse. Verum  
hoc ille non ut pluribus vaticinia ederet, faciebat,  
sed ut honorem fugeret, & importunitatem, qui  
semper silentium & vitam ignobilem desidera-  
bat. Qua fortasse & causa impulsam fuisse Si-  
byllam ad peregrinandum non dictu absurdum  
iudico: quae tantopere & ipsa solitudinem & si-  
lentium amauerit. Qua de re supra abunde a no-  
bis consideratum est.

Vt igitur huic disputationi finem tandem imponamus, sic mihi videtur de Sibylla statuendum: huic Erythras aut Cymen Æoliæ urbem ortum deditse, quocumque patre, siue Berofo, vt censem Justinus Martyr; siue Gnosto, vt in Pseudo Sibyllinis scriptum est; siue Glauco, vt Maroni placet: de qua re quid verum sit, inuenire difficile, nec multum ad rem pertinet; ætate superiorem quidem fuisse Troiano bello, quanto autem tempore, ne id quidem certo sciri posse. Nam quod quidam hanc Noachi patriarchæ æuo, hoc est, ante diluvium vixisse censem, & Japheti vxorem fuisse, quo argumento hanc coniectaram firmare possint, non video: nisi quod hanc Noachi nurum fuisse, in illis Sibyllæ oraculis legunt. Sed hoc quam firmum sit fundamentum infra patebit: quo loco, non esse genuina hæc Sibyllæ oracula sed supposititia, rebus addicam necessariis. Hanc quoque varias obiisse vrbes, in iisque vaticinationum suarum monumenta reliquise, præsertim Erythris, Cumis Joniæ, Samo, & aliis Asiae ciuitatibus, vti Pausanias tradit, verisimile est: quod magnam populis præbuuisse occasionem putandum est, credendi non vnam fuisse Sibyllam sed plures: cum diuersæ vrbes in suis templis Sibyllæ oracula reposita haberent. Quin Cumas Campaniæ venisse, & ibi habitasse, Aristoteli id prodenti in Admirandis credendum est: idque accidisse non multo tempore post Illy excidium, si quidem non vanum esse putamus & o-

minino poeticum, quod Virgilius in sexto memorat, de ingressu Æneæ ad Sibyllam Cumæam tum temporis oracula edentem in Italia iuxta Cumas Campaniæ oppidum, & in antro ibi habitantem, summa loci religione & horrore obfurem & responsa eius vatis. Verum quo minus falso id a Virgilio proditum credamus, auctoritas obstat Aristotelis in Admirandis, toties iam laudato loco; ubi Sibyllam Cumis Italæ habitaſſe Erythræam refert: quod profecto non scripsisset, niſi fama vulgatum & propemodum gentium consensu ita esse persuasum fuisset.

Hanc igitur unam Sibyllæ nomine aio Græcis cognitam fuiffe: si quæ autem aliæ fatidicæ eodem nomine appellatae ſunt, quod fane fatendum eſt, eadem licentia factum eſſe, qua Ouidius in *Metamorphosēs*, omnes viros *Danaos*, feminas omnes *Amazonas* appellat: & hisce temporibus Christianæ reipublicæ imperatorem *Cæarem* vocamus, quem tamen ſcimus nulla ex parte attin gere familiam Cæſarum.

## CAPVT VII.

*Sibylle per varia orbis terrarum loca  
discursus. Prophetarum raptus ab  
angelis: Et de sagitta  
Abaridis.*

**Q**uia dictum eſt oſtenſumque Artemidori  
verbis,